

# Ungdomsutveksling med rundtur i Suldal

Sist helg fekk Suldal besøk av elleve ungdommar frå heile verda. Round trip 2016 blir arrangert av Rotary International som ein del av det store utvekslingsprogrammet innan Rotary Youth. I år er det Rotary Distrikt 2250 (Vestlandet) som er arrangør.

Frå Karmøy, via Stord, kom dei til Suldal. Etter Suldal reiste dei vidare til Haugesund. Suldal Rotary klubb (suldal.rotary.no) stod som ansvarleg for programmet sist helg. Ungdommene budde på Rygjatun der dei mingla godt med ToppVolley-elevane. På dagstid blei det ekskursjonar til Blåsjø, Ryfylkemuseet, Høsebrua og laksestudio i lag med Janneke Wijergangs, Helge og Kåre Olav Bakka, Inge Hoftun og Martijn Bellemakers. Slik blei dei godt kjent med kommunen vår, om vasskraft, laks og kultur.

– Eg spurde fleire av deltakarane kvifor dei hadde valt Rotary Roundtrip og kvifor Norge. Daniel Soliman Nasrallah, 20 år, frå Egypt svarte: «Kvífor Norge? Onkelen min er medlem av Rotary. Han fortalte meg om Rotary sitt utvekslingsprogram. Eigentleg hadde eg lyst å velja Roundtrip til Spania, men han sa: Det skal bli Norge. Eg er glad at han sa det. Det finst utruleg flott natur her, og nordmenn er veldig hyggelege og hjelpsame. Når du har ein avtale, er dei der på avtalt tid!»

Hsiang-Chu Hu (Michelle), 21 år, frå Taipei (Taiwan): «Mi mor er medlem frå Rotary Taiwan. Sommaren i Taiwan er veldig varm, eg hadde lyst å sleppa varmen, då blei det Norge. Utveksling



er heilt fantastisk, me bur hjå flotte vertsfamiliar, me har fine aktivitetar som fisking, padling, turar til fjells

og ekskursjonar til bedrifter. Denne turen er læringsrik og kjekk, eg er ganske nøgd!»

Tekst og foto: Martijn Bellemakers,  
Suldal Rotary klubb